

嘉慶松江府志

松江府志卷十八

建置志

壇廟

金山縣

先農壇

在城西門外雍正四年奉

敕建

社稷壇

在城北門外

風雲雷雨境內山川神壇

在城西門外

邑厲壇

在城北門外

城隍廟

在縣署東北卽金山衛城隍廟明洪武二十年

指揮僉事李武建三十年廟祝董啓募修宣德九年指
揮使西貴塑神像正統中貴弟賢構兩廡三門宏治四
年總督楊政重建

國朝康熙中參將王功建修

明侯方記金山鉅海重地異時倭舶爲患水宿重
兵以鎮之元社己屋高皇正大統始立衛以奠安海
陲有衛則有城有隍有神以司之廟之所由建也朝
在衛東百餘步迄今百有餘年風雨蠹敗神罔攸棲
守帥六合楊公奉命作鎮于茲治戎講武綜理周密
出號司令風動雷行僚屬稟之以承式軍民仰之以
依歸用能邊境晏然高枕無事公時祇謁神祠顧瞻
各嗟謂斯城斯隍高深雄偉實東南一藩籬而廟乃
凋弊弗治敬共明神可若是耶乃捐己貲規畫料理
市餘地以拓舊址徵材運甃甃重門以司啓閉庭埽
檣參以高軒翼以兩廡旃旌旌重門以司啓閉庭埽
瑩彩繪鮮明線以周垣旣堅旣好莊嚴神象儼乎如

在凡公斯舉加于舊觀而不浮于度公乃齋沐具牲
牢率僚屬湛焉肅焉乘厥丹誠駿奔走廟祇告成功
神散人悅祥有攸歸公既膳拜而退掌衛事指揮使
翁君熊謂公此舉不煩于官不勞于衆獨以己帑作
新斯廟宜有文以示永久遂爲書介其僚友侯君寅
蕭君元來請方旣未得造公之庭竊幸自喜卽昌黎
韓子滕王閣故事得載名其上而有榮耀焉廟之作
始于宏治四年八月九日而訖工于是年十二月十
二日

國朝

楊瑄記

金山衛城隍廟一區創始于明洪武二十年

年指揮僉事李公武益設衛之明年也宏治四年總
督楊公政駐節于此復鼎新之規制稱大備矣迄今
二百餘稔屢葺屢壞旁風上雨廟貌勿嚴葺衛之人
皇皇焉惟隕越明成是懼于是分鎮王君功建偕諸
將佐率先經畫而衛之人士咸踴躍從事鳩工庀材
罔或勿飭始丁丑冬訖戊寅夏其規模無改于昔而
重櫓修櫓危垣文陛之制視昔有加焉工旣竣瑄爲
文以紀其事竊惟祀典之載于有司者城隍爲特重
衛城南臨大海北控渤澥自明初置戍設防而

本朝遂因之比歲以來島嶼削平鯨鯢偃什四境晏然里巷無吠犬之警商舶之往來絡繹如行階除閒豈非國家聲教四訖海隅率俾之明效歟雖然今之可患者厥有二焉海潮之自南匯莆而西也滌閩爲首衝明郡守方公所築石塘日就傾圯秋月潮盛閒值風雨水勢洶湧高與塘平其穴石罅以入者聲轟然如雷則患在海潮之衝決也環城地皆斥鹵其遇潮汐以資灌溉者惟運鹽河是賴今則河底日高河身日狹苟夏秋間十日二十日不雨農人相顧無計措手而田禾且盡稿則患在內河之淤塞也蓋舉百里內外數萬生靈與夫田疇室廬資生之計胥託命于一綫之塘與一發之水其可患也如此苟非神之默施補救以惠此一方其能旦夕保哉夫蒙其利矣必隆其報舉其祀矣必竭其誠宜諸人士之趨事恐後也繼自今風雨以時陰陽不忒天吳海若奉職效靈俾我民樂業遂生永享太平無事之福維神之休豈有艾歟瑄世居衛城之西北郊幸嘗與逸神庇故于廟之成舉其事之繫于民生者書而勒之于石用揚靈爽于無窮非徒爲一廟志廢興也

別廟

一在張嶺

一在干巷

一在呂巷

土地祠

在縣治儀門東

文帝廟

在朱涇嘉慶十三年知縣鄭人康倡建

別廟

在干巷小普陀東隅乾隆四十六年里人曹浩等建曹源有記

武帝廟

在衛城洪武初建

國朝嘉慶六年知縣鄭人康捐修

別廟

一在朱涇鳳翔里乾隆五十四年邑人重建 一在朱涇文昌閣內

天后宮

在城南海上明指揮僉事徐廣建後指揮使劉

惠僉事常貢總督陳璘相繼修葺

國朝順治三年總兵李成棟參將張道瀛修

明袁凱詩 酒正初傳內府醪南來河伯送行舫百
年祀事崇邦典半夜神光出海濤花散曉風紛屬漫
禮成春殿肅清高聖躬端爲
蒼生壽不比尋常漢使勞

火神廟 舊在城內參府署後今在宿草禪院乾隆十七
年知縣王宗閔移建

倉王廟 在朱涇今卽常平倉祀之

劉猛將軍廟 在朱涇乾隆元年知縣王道捐建五十五
年知縣鼇圖捐修

金龍四大王廟 在掘撻涇口

呂祖祠 在朱涇嘉慶十二年知縣鄭人康捐建

以上祀典

東嶽廟 在張堰元大德五年邑人施士亨建

真武廟 在張堰明嘉靖二十六年重建

佑聖廟 在朱涇元泰定間鄭安四捨地建

護糧王廟 在朱涇

元壇廟 在朱涇

鎮海侯廟 在五龍廟港以上通記

胥浦祠 在胥浦上祀吳大夫伍員邑志

明韓魏詩 荒荒落日嶺雲孤伍相祠前泣鷓鴣干里悲風吹殿瓦一庭新雨長蘼蕪濤聲入夜還吞越山色迎秋尚弔吳白馬靈旗時出沒至今伏臘走田夫

忠烈昭應廟 在朱涇鎮東惠民橋雲間志云廟有吳越

王鏐祭獻文云以報冠軍之陰德吳越備史云大將軍

霍光自漢室既衰舊廟亦毀一日吳主皓疾神忽於宮庭附黃門小豎曰國主封界華亭谷東南有金山鹹塘風激重潮海水爲患非人力所能防金山北古之海鹽縣一旦陷爲湖無大神力護也臣漢之功臣霍光臣部黨有力可立廟於鹹塘臣當統部屬以鎮之遂立廟宣和二年賜顯忠廟五年封忠烈公建炎三年辛道宗領舟師由海道護行在所奏加忠烈順濟且賜緡錢以新廟貌四年加封昭應按霍去病爲冠軍將軍而霍子孟爲大將軍今備史以爲霍光或者吳越祭文不考也顧志云今廟祀廢而土人名祠於家號金山神主松江續

志云其部有英烈錢侯者昔有閩人錢姓行七航海至廟慨然曰浮沈罔利靡有止期沒事忠臣賢於涉險卽立廡閒叉手而逝青齊向化之年興師拒金俄有陰兵千萬排空而下遙望旌旗號華亭錢大尉及交鋒敵勢披靡於是敕封英烈侯歲時居民以錢配享今郡人稱利濟侯不知何年敕封也後爲義學

國朝順治七年里人改建嘉慶八年知縣鄭人康捐修

宋趙孟堅記略 西浙諸州禾興最爲邊海華亭金山又在郡東插脚滄溟峻岸絕起驚濤四浮吳越備史載漢博陸侯霍公附小黃門謂吳主曰國之疆土東齧海濤虜蝕侵尋臣漢舊輔今當爲神駐于金山爲禦海斥使不衝蕩全護國封當爲建祠于彼金山示所旌顯厥後封祀不絕今爲忠烈順濟廟焉維英

烈侯家閭氏錢行居七航海而商船帆經從入廟致
禮儼觀威爽雪浪東來一山若峙巖巖殿宇卓冠山
椒地勢浮沈罔利驟轉迷途汨澳塵中何終底止沒事
若曰浮沈罔利驟轉迷途汨澳塵中何終底止沒事
忠臣愈浪生死猛念候發幽明祠符玉立庶閒又手
相傳幾百年矣季夏之月二十二日維侯生辰沿海
祭祀在在加謹廣陳鎮金山祠祀尤嚴常歲是日監
商海估寨伍亭丁社鼓喧迎香花羅供然前後位號
未應國經仗隊弓刀遙稱太尉殆幾野廟殊闕聲猷
屬青齊向化之年因獸猶競東鄙興師侯能助順虛
無之際神證用彰霧消雲飛陰兵千萬排空而下旌
旗著號華亭錢太尉神識昭明逮及交鋒虜勢披靡
風驅電埽冥助維多主兵上之公朝訪尋允合爰加
封敕謚以英烈康答靈休端笏垂紳榮被章服從飾
仗衛一變魚雅孟堅母弟孟淳嘗謂堅曰英烈侯神
靈國勲如是其偉兄志于文盍為紀述當備珉石以
奉刻辭因言曰英烈侯初非衣蓋為紀述當備珉石以
句正卽隸明祠惟王與侯胥贊相應如斯至者心公
忠耳故侯卒能效順佐邦殄虜使侯居廟堂而職臣

事殺身成仁夫豈難能哈彼鄙夫身糜好爵畏事鯁
鯁當言不斷口若置箝鼠計自營盼視同列苟刊飲
啄踰陷循牆鬼域斯靡何有何無若拜侯庭有泚其
穎孟堅疇昔之夕矚視獄神節仗旋歸續紛肅截璧
月當午簫吹撼空文繡兒郎粉態優女畫燭搖列夾
道秉行再拜奉安一無醉解顧而問曰此嬰曰社稷
臣也心贊歆焉因述侯事邇頌王忠夙心忠願不覺
宜露爲之銘曰正直爲神維忠維孝國有常經祀典
崇報博在在崇極昭立宣雖曰世祿不我以延逮及
異朝血食廟祀爲樂提封叱捍潮水毋使侵齧虧厥
疆理至于今世靈畏若存英烈錢侯起自七閩浮舩
而商致禮英靈推公與直志合心傾一誠默孚旋隸
部下拱立廟廡杳然冥化東海之濱奉祀式虔位號
封崇若有待然醜虜不競東鄙興師維侯助順若響
之隨神兵千萬陰雲擁之虜勢旋靡電掃風披昭靈
顯功褒號英烈服膺儀衛一變綿蕞我銘茲石匪事
夸雄寓觀古人知孝而忠食祿于君當勇于事事依
違者將焉用彼致忠于君奮不顧身身死不死其名
永存史傳紀績廟食薦馨吁嗟鬼蜮苟蠅營

別廟

一在府南七十步元元統中知府申秉禮修至正六年燬十四年達魯花赤哈散沙頭浩寺僧希顏

復之今為錢總管廟云

一在蓬萊道院中

宋許尚詩 俯拜祠堂下遙思彌
漢功吁嗟孝宣帝忘德太恩恩

曹大明王祠

在胥浦上今移吳大夫伍員象同祀焉邑志

以上
舊記

范公祠

在衛城祀宋參知政事范仲淹裔孫必宗為指

揮僉事襲爵世居衛城因建祠於此

李侯祠

在松隱祀婁縣知縣李復興

忠義祠

在衛城雍正七年奉

敕建

節孝祠 在干巷舊在衛城雍正五年奉

敕建乾隆十四年知縣常琬重修後圯嘉慶十六年知縣

鄭人康移建於此

魯烈婦祠 在朱涇康熙三十六年知府龔嶸捐俸助葬

卽於墓前建祠有記乾隆五十年節婦程氏重修旁有

沈攸敘妻節婦戴氏孝子沈念亭及妻烈婦蔣氏祠

國朝焦袁熹詩 小草生寒谷無復芳菲時一寸心未死

竹柏相因依妾本貧家女不識珠與璣結髮爲人婦

作苦分所宜室中有阿母稟命無是非但恨織作遲

阿母顏色不得怡 霞影彫百草重露沾人衣家計

不可論食糠常苦飢妾生自不辰顛顛復奚辭良人

自有心紛紜空爾爲紛紜空爾爲忍令大義虧眼見

野鴛鴦一生逐浪隨風飛 皇天覆萬物厚地乃載

之日月朝暮出兼照無偏私妾行多過咎神鬼當見

建置志

壇廟

治有生不如死視死真如飴妾死何足道長與衆苦
辭良人及阿母生世良可悲寒無以爲衣飢不得餽
與寮賤妾歸黃泉
猶應有淚如綬縈

上海縣

先農壇 在北門外雍正四年奉

敕建

社稷壇 在縣西北

明鄭洛書記 正德十六年上戊上海令莆人鄭洛
書肇祀社稷壇越在草莽敗垣廢屋牛羊來斯弗
稱崇奉之意亟以祭之日修之迨秋垣屋新壇亦新
是年也歲稔人謂鬼神顧歆云嘉靖二年七月立石

風雲雷雨境內山川神壇 在縣南

鄭洛書記 上海山川壇昔者祀官無齋所神若野
宿正德十五年冬洛書爲宰明年春顧瞻蕪陋心大

弗寧遂以畢祭之日築壇以棲神作室以齋官是秋
告訖工擇謹良二人守之俾勿懈壞則聞于官亟修
之嘉靖二年時乃
考績爰勒所由

邑厲壇 在縣治北乾隆十二年重修

鄭洛書記 明有鰥寡孤獨幽有厲鬼朝廷矜恤之
心何間生死故厲鬼者壇而祀之正德十五年洛書
出宰上海越明年清明舉祭則見垣頽址荒雲風蕭
颯草木淒其若滯魂號訴無依者至令工匠治其垣
屋更封其壇是秋中元祭告成鬼罔怨悵
洋洋如在嘉靖二年八月朔日買石記之

城隍廟 在縣東北長生橋西永樂中知縣張守約建天

順中知縣李紋重修萬曆三十四年知縣劉一壠倡捐

重建三十四年廟燬知縣李繼周重建

國朝康熙二十二年知縣史彩倡修道士楊兆麟募建鼓

木江月天

亭四十八年於廟左構東園乾隆十三年寢宮燬知縣

王從重建二十五年闔邑士商又構西園於廟西北邑

人曹一士喬鍾吳有記嘉慶三年復新大殿兩廡

明知縣馮彬記西北隅有廟翼然即城隍廟歲乙

未秋八月馮子至上海例得謁諸神新教令喜上海

之無淫祠而獨致隆于是南廟舊有門甚隘司廟者

以井市鄉落之財建牌坊一座點聖煥若以答神休

功將焚而馮子適至因請題馮子命之曰海隅保障

昭神功也時有永嘉幼童善大書者至即命書之實

丙申三月八日

國朝曹一士頌序略順治十年秋海寇張名振再犯縣

治蘇州總兵官王燦督戰辱師民聚而訴巡撫周按

臨燎恐民暴其走遁失機狀反誣民通賊自南浦至

靜安寺界欲盡屠之周恇其說邑侯闕紹慶偕先伯
祖垂琛連袂長跪願以百口為保不許將俟雞鳴縱
戮是夕神降官廳儼立階下周心動至夜半仍欲屠

之又見神直視搖首如是者數四遂釋嗚呼凡我父老子弟保有室家迄今日觀太平之化非神其誰賜之相傳神爲故待制索公諱裕伯字景容有玉二方篆公名字流傳民間明萬歷中邑人喬時萬爲文以獻其家復錄明祖三聘書暨公卻聘書二通同遺象藏諸廟考公籍大名元末避地揚州轉徙至邑今觀所藏書札悉繫吳年月中書省檄起之言海濱民好關爲公累而史但稱命書省檄起之殆失傳也史又稱洪武元年復徵不出論以手書乃舉海民好關爲詞則其家不傳而史獨傳嗚呼公不得己而應召所以釋主疑明民志不惜一身去就爲國人請命耳矣以釋主疑明民志不惜一身去就爲國人請命耳矣浩封顯佑伯制詞自洪武二年正月而公于是年始爲待制越明年復與劉公基同爲南畿主考官後知隴州始卒豈神位之建虛以待其人耶抑黜陟去留亦如國家餘曹之法者耶冥漠事不可知可知者祀典之常理也邑人恐歲久事湮明德不著請一士作頌序

東園

康熙四十八年構在廟東偏又名內園臺沼樹石俱古雅西南隅一臺高數丈曹一士名爲小靈臺

紀詩四首有赤氛黑祲年
來有憑仗登臺一掃除句

西園 乾隆二十年構

國朝喬鍾吳記略 園在廟西北卽明潘方伯豫園故址
人釀金購其地仍築爲園先是廟寢之左有東園故
以西名之歷二十餘年所費累鉅萬甲辰鍾吳請假
旋里得暢覽喜百數廿年名勝湮沒之區儼然復觀
其盛址約七十餘畝南至廟寢西北兩面皆綠以垣
其東爲通衢中闢圓門西行有石梁係豫園舊築溪
南銀杏一株相傳恭定手栽園北爲玉華堂仍舊名而
重建者堂前奇石屹立卽豫園玉玲瓏也西爲得月
樓南達于綠楊春榭稍東曰煙水舫自舫西行居一
園之正中者爲三穗堂湖心有亭砂然浮水上東西
築石梁九曲以達于岸三穗堂東北曰萬花深處有
軒曰可樂隆然而起者土卽西爲留春塢其東北迤
邐而相屬者爲花神閣聽濤閣西有度溪橋山石突
兀從人面起徑西行轉北折而東有堂曰萃秀右飾
巨山陟其巔目及數十里之外自山而下循小溪西
南行度小橋復入西由洞中環行而上至香石亭復

下南入洞行有亭曰流觴處自亭西北行曰蓮露廊
東南築亭橋一以通于西南境由廳而東北過凝雲
橋望見最高者曰熙春臺尋轉而南抵總辦有門曰
雲邊別苑有堂曰致遠樓曰涵碧曰磐樓南度石梁
入洞右折有閣曰凝輝其從洞南行盤繞出山上則
挹翠亭在焉亭左立奇石形貌古怪曰魁星石自王
氏素園移置于此山下沿溪而南有廳西面其後軒
俯太湖東與湖心亭相望者曰豫樂舫度小橋有室
面北曰綠蔭軒室後南向曰千巖競秀爲南盡處自
此而東倚大湖曰綠波廊曰春禊閣至吟雪樓而勝槩
盡矣嗟夫神之威靈昭昭其爲邑民禦災捍患功德
炳然宜吾民不恤財力而爭相虔奉若此

土地祠 在縣儀門左

文帝廟 在廣福寺後乾隆三年巡道翁藻創建者善胡
爾雋助成之西偏有放生池邑人李宗袁置

別廟一在沂源書院內康熙年邑人王俊臣建
一在閔行鎮六曲河西

武帝廟 在縣治東北舊爲潘恭定宅乾隆十三年知縣

王倌改建四十五年知縣巴哈布重修四十七年巡道

袁鑒修五十年巡道章攀桂重建大殿有記嘉慶四年

巡道李廷敬知縣湯燾重修

別廟一在萬軍臺上明萬曆十三年建俞顯卿有記
一在振武臺上築城時建樓萬曆三十年費千戶

奉聖象于內國朝康熙八年修
一在城隍廟東順治七

年募建竝奉金龍四大王馬王名三聖閣
一在魚行

橋南卽崇寧庵
一在高行鎮明萬曆間建
一在華

隆二十八
年重建竝奉文昌至星名三星閣
一在南

涇明崇禎間建國朝乾隆二十五年重建
一在華

門外卽高昌廟舊址一在法華

西鎮一在諸翟鎮王所有記

天后宮 在縣治東北黃浦上舊爲順濟廟宋咸淳中重建後有丹鳳樓觀潮者登焉潮洶湧北來至廟門而伏過則復起人以爲神中肖神姊妹三人仲季對奕伯端坐觀之神采如生或傳風雨聞落子聲云元明閒燹於兵當事因築城占張鵬翼地以廟基償之越數年張還地道土錢韞貞重建

國朝增修踵葺嘉慶十七年巡道鍾琦倡捐重修

明宋渤記略 甫有神故號順濟廟粵舶賈風濤之險禱輒應至正十八年詔海外諸藩宣慰使福建道市舶提舉蒲師文冊命爲護國天妃松江郡之上海爲祠歲久且圯宋咸淳中三山陳珪提舉華亭市舶議徙新之屬其從事費案經盡禮致道師黃德文奉香火工垂竟天台趙維良代領船務嗣完之初邑豪

錢氏嘗捨田四十畝至是諸君復益田數百畝里中
善士吳夢酉劉用濟唐時措時拱各推金帛自辛未
至庚寅廟成費之子拱
宸請紀歲月以勒石

別廟

一在觀音閣
一在火神廟

通濟龍王祠

在滬濱故老相傳自錢氏有國已廟食茲

上景祐五年太史葉清臣爲本路漕監因濬盤龍匯禱
於故廟神應如響於是復新祠貌有葉太史祭文刻石
於廟中明隆慶閒海忠介築隍時重建以奉金龍四大
王陳繼儒有記

朱葉清臣祭滬濱龍王文 維景祐五年歲次戊寅
十一月癸巳朔越五日兩浙諸州水陸計度轉運副
使兼提點市舶司本路勸農使及句管茶鹽礬稅朝
散大夫太常丞直史餘騎都尉賜紫金魚袋葉清臣

謹遣供清官商量灣巡檢劉迪以清酌庶羞之奠致祭于滬濱大王之神清臣叨被朝恩出持使斧觀采風俗詢究利病上分天子之寄下救斯民之瘼職思其守靡敢怠遑眷惟全吳舊多積水加以夏秋霖潦田疇汗沒浩浩罔濟人無聊生聞諸鄉老之言患在盤龍之匯但陵谷遷變柱直倍差水道迥過湖波壅滯自龍興以來屢經疏決未得其要不免為沴蘇秀之人皆云神故有廟在江浹錢氏有土祀典惟寅霜星貿移棟宇崩壞官失檢校民無尊奉自時厥後歲亦多水且謂神不血食降災下民清臣躬行按視詢人所欲乘手農隙釀此江流神果有靈主斯蓄洩敢告無風雪無魃旱而土潰決渠而水降改昔沮澤化為壤田即當嚴督郡縣修復祠貌春秋致饗蘋藻如故若疲苦役夫不能彈患則我躬不閱遑卹于神惟神聰明昭鑒無忽尚饗

別廟

在吳松新隔東築牖時建嘉慶十八年里人吳姓等倡捐移建牖西偏

火神廟

在雙笠橋南廟北向乾隆十三年移建西偏五

十九年燬於火議復舊址巡道李廷敬倡修殿後建水神閣

劉猛將軍廟 在神隍廟東偏乾隆元年知縣褚菊書遷羣忠祠於仁壽祠改爲今廟嘉慶十八年修

呂祖祠 在縣東南正陽道院內元至正十一年里人潘守真建明嘉靖二十六年燬四十五年重建潘恩記

國朝康熙二十一年道士張爾宿修乾隆年僧息妄募捐重建三清殿竝前後院嘉慶十四年巡道蔣榮昌倡建前殿十五年定制以仙師入祀典巡道鍾琦知縣王大同改建大門及內外殿宇有記

東嶽行宮 在二十四保久圯乾隆三十五年重建知縣清泰有記漚城備考云有驅蝗神名金姑孃孃者或稱金四孃其祀盛於崇禎閒田家賽神多祀之後人遂誤爲欽賜仰殿并附會爲唐時所建而以東嶽帝象奉之今按張之象縣境圖本作金師孃殿

真武廟 在篋笠橋南萬厯三十三年里人建

國朝康熙年通判宋士標知縣史彩邑人曹垂璨張錫懌等募建今神象奉東城萬軍臺上

藥王廟 在城隍廟西金方苞倡建乾隆閒知縣王挺重建後知縣李文耀改作廣仁堂施藥局

三元廟 在南門外明萬厯二十四年金道人移建

國朝康熙二十二年曹垂璨構鶴軒乾隆十一年知縣王

廷捐修有記嘉慶十一年重修

水仙閣 在小東門外黃浦濱

鎮海侯廟 在大東門外順治中建乾隆四十四年修

別廟

一在城隍廟西偏乾隆八年建 一在虹橋順治
中建康熙中里人唐斌策等募修縣丞韓仲有記

一在學士橋南張錫樸
有記 一在積善寺西

晏公廟 在縣西方浜之陽其西卽社稷壇中有竹石之

勝有司時祀齋宿焉

明蔡懋昭記 平浪侯晏公數顯靈于江湖間舊有
廟在局涇左側嘉靖島夷犯城時僉憲董邦政署縣

象計無所出俄聞城殺聲已而海潮泛溢溺斃
八十餘人遂解圍去吏民德之相率捐資重修

岳忠武王廟 在城隍廟東偏康熙初邑人張錫懌建自
爲記後圯嘉慶十三年里人重修十八年住持金液募
捐重建

別廟

一在虹橋
一在龍華寺

羅神廟 在西門外明萬厯四十一年建姚永濟記
國朝雍正間僧際芳增建乾隆十一年殿燬知縣王從捐
建四十五年陸敬銘重修

金山廟 在北橋鎮卽忠烈昭應廟里人朱宏煥建明萬
厯二十二年修俞明時記

國朝嘉慶十五年重修

以上通祀

朱明大王廟 吳郡圖經續記載東晉時有朱明者富而孝友其弟聽婦言伐木壞宅欲棄兄異居明乃以金穀盡與其弟惟留空室一夕大風雨盡漂財寶還明弟與婦愧而自縊明傷之捨宅爲寺

吾東廟 在諸翟鎮相傳宋太師劉錡奉祀山神以在所居之東故曰吾東

淡井廟 在西門外宋時建爲華亭城隍行宮元時權奉城隍相傳廟有井味淡故名

石仙廟 在楊師橋舊志誤十仙廟相傳石晉天福年間

有石道人結茅成仙去故名

國朝康熙六年里民沈濂僧照徵普序重修

高昌廟 新舊二所新在城南陳家橋舊在新廟南二里
皆濱浦

十澤廟 在白蓮涇南

浮霄廟 在洋涇北

矸溝廟 在矸溝浦

劉清君廟

懊悔龍王廟

以上俱郭志
以上舊祀

築耶將軍祠 在沙岡有築耶城遺址尙存晉左將軍袁

松築也有築耶將軍祠世傳祀袁崧云案晉隆安四年
崧以吳國內史築滬瀆壘以備孫恩明年恩陷滬瀆死
境內祠之宜也築耶之義未詳

雲間志

先棉黃道婆祠 顧志在縣南烏泥涇鎮道婆本鎮人初
淪落厓州元貞間附海舶歸躬紡木棉織厓州被以
自給教他姓婦女不倦利被一鄉及卒鄉長者趙如珪
立祠奉之元季兵燬明成化間知縣劉琬重建詳見陶
九成輟耕錄及王逢詩序萬厯間張之象改建在張家
浜上天啓六年張所望另建在寧國寺西

明張之象記略 上海西而烏泥涇故有道婆祠道
婆姓黃本鎮人初淪落厓州元貞間附海舶歸

開廣木棉種之紡織為布州里宗之業頗饒裕道婆
卒莫不感恩灑泣而其葬之立祠祀焉越三十年祠
殿里人趙某再為立祠再殿又數十年于茲矣頃歲
行游其所求問前所謂道婆祠者業已頽然予遂于
居舍之東北隅聽鶯橋畔捨地二畝其右為南北則
行乃集里中尚義者共圖興復經始方旬而煥然改
飾象設具備神有棲憑于是里中庶士咸曰宜之落
成之日爰來請記蓋是舉予實倡之也義何可辭先
王之制禮也法施于民則祀之吾松之民仰棉利以
食實道婆發之苟被其澤者無忘追本之思則祠祀

可不
廢矣

張所望記略 吾鄉之祀黃道婆也始自勝國之季

而毀于兵共後重建輒復廢而吾家王屋公改祠于

張家浜者不三十年亦已化為榛莽余每過而傷之

念昔土壤饒瘠民困無聊生養至今伊誰之賜且輸

貢尚方衣被寰宇明德遠矣食報謂何間與里中好
事謀所以似續不休者于是議即寧國寺之西偏附
建一祠余遂捐資首事屬寺僧董其役祠宇即飭遷
孫厥成象設莊嚴輪奐輝映爰易舊額錫以住名勒

松江府志

卷十八

六

之貞珉是稱黃母蓋衣食之源嫗實開之恩斯勤斯
等于育我以母道事之誰曰不然余乃躬率旅人設
蘋藻之奠拜于祠下羣情胥懌神用居歆稽首而退
屬予記之至航海來歸教民織作之始末輟耕錄載
之甚詳茲

不重述

元王逢詩

前開黃四娘後稱宋五嫂道婆異流輩

不肯用州老里州布被五色縑組霧綢雲絮花草片

帆鯨海得風歸于軸烏涇奪天造天孫漫司巧僅解

製牛衣鄰母真乃賢訓兒諭斷機道婆遺愛在桑梓

道婆有志覆赤子荒哉唐元萬乘君終覲長衾其昆

弟趙翁立祠兵火燬張君慨然繼絕祀我歌落葉秋

聲裏薄功厚亭當愧死案此詩見

梧溪集張君未知當日何人應考

國朝高不騫烏涇夜尋黃母祠故址詩吉貝蠻方物分

栽此地多纖成黃赤子取法自黃婆報本祠安在稱

功石可磨聽鶯橋

畔月猶照玉人梭

別祠在縣治西南梅溪荷乾隆四十九年重修里人金
應杓記相傳此係黃姑庵奉織女今案澤國紀聞

云所奉乃少年女子殆黃姑譌為黃婆耳
嘉慶十八年知縣方佐記仍以爲黃婆云

羣忠祠 在城隍廟東祀明本縣縣丞劉東陽建平縣縣

丞宋鼇鎮海衛指揮使武尙文浙江鎮撫吳賢鳳陽散
官丁爵士民楊鈿嘉靖四十三年知縣黃文煒建

國朝康熙年邑人曹垂璨勸修有記乾隆元年知縣褚菊

書改爲劉猛將軍廟并祠於廟後仁壽祠內

明黃文煒記略 嘉靖癸丑歲島夷入寇者再甲寅
丙辰歲復大寇幕府先後機公等兵之賊故殺悍多
算公等所至皆殊死戰不勝竟死丁力能舉千鈞死
于清水窪武宋與賊巷戰死于市吳統抗卒死于黃
泥浜歲在癸丑劉佐前令治理政稱無害死于太平
寺里歲在甲寅俱累日不能收武獨爲賊刳腹出腸
賊退而過者爲之下涕鈿以一身而當登城之賊與
賊俱死城下圍遂解邑之萬命鈿實生之功不在諸

死者下歲在丙辰邑之學士大夫以公等死狀言于
監司請祀于邑廟之左黃子捧檄來上海見神位棲
于一室不蔽風雨非所以妥神靈乃聚材鳩工葺故
所為祠宇三楹西之隙地復為屋二楹以為藏牲酒
所階厨牆垣具如儀勝曰羣忠祠告成于甲子四月
黃子為之記劉四川人死後于宋而首祀之者以丞
上海故且以勵
後之泣此土者

周方二公祠 在積善寺西明嘉靖閒知府方廉用顧從
禮議築城禦寇巡按周如斗復賑飢免糧故建祠祀之
有董其昌書陳所蘊記并潘恩記萬厯閒知縣顏洪範
以從禮及議築川沙城之喬鎧王潭從祀後廢里人建
施相公殿於其地今以殿閣為祠

明潘恩記略 上海舊無城嘉靖癸丑倭酋入寇抄
略殆盡郡守方公履任至即行縣相度所宜曰斯城

不築是以民棄之盜也于是計虞輪羨鳩工庀材不
數月而工就自後寇之虞伏海隅門敢復窺邑聚斯
城之力也明年乙卯侍御周公以巡按至下車江南
不遑寧處布惠除苛以恤瘡痍之眾散財發粟視地
益兵疏免是年田租二十餘萬石民喜更生明年丙
辰五月倭復大寇圍而攻之者二旬無所獲遂解圍
去民益歎吾邑吾民非方公公築城于前周公保息于
後其無噍類矣乎丁巳周公改督學去方公擢江西
憲副去郡民懷思二公之德相與立祠郡中邑之人
亦立祠邑城之北周公餘姓人丁未進士方公新城
人辛丑進士

海公祠 在吳松江上祀明都御史海忠介瑞

三李公祠 在城隍廟左舊名李公祠祀明知縣李棨嘉

靖閒知縣馮彬建萬厯閒以知縣李繼周從祀

國朝康熙中又以知縣李希舜從祀易今名乾隆閒重建

明唐錦記略 公諱榮字從質河間任邱人成化戊戌進士己亥來知縣事和平靖深寬簡粹密開誠布公酬應如響訟者開諭使自釋徭役聽其自議無弗均者歲賦五十餘萬公緩期寬約而民虔相戒飭趨輸恐後歲當旱公茹蔬額禱雨乃時降遂以有秋邑故有養濟院舊唯敗茅數椽公改建二十餘楹禁火葬拓義冢瀕浦渡者舟小不勝時有覆溺公市堅木為巨艦分置諸津設官夫駕之且濟有常數民鮮溺者奸民奚勤高祥者詐稱御史徵行公廉知奸狀捕械付獄至學校葺理尤為周悉無何以艱去士民攀遮以留涕泣相屬今令尹馮侯彬歆公風烈時進父老講求公舊政而遵循之搢紳耆宿謂公有大造于吾民非專祠弗稱乃羣詣侯庭具申誠悃願致材力以畢素懷侯為相度厥址得地于城隍祠之左隅眾樂趨事不日告成與情慰悅因公之所以感人天者書于麗牲之石使後之蒞茲土者知所勸云

仁壽祠 在城隍廟左玉皇閣祀明知縣彭長宜

國朝康熙十年周金然等建祠於閣東有樓南向曰仁壽

竝奉知縣朱光輝象乾隆元年併爲羣忠祠

許徐二公祠 在學士橋南明萬厯閒建祀知縣許汝魁

徐可求黃體仁記

明陳完詩 名宦祠室何處尋兩侯遺愛繫人心漢家久列循良傳南國誰芟蔽蒨陰學士橋頭望夜月春申浦畔又秋砧樓臺一望增餘恨墮淚碑憐水底沈

全公祠 在二十三保走馬塘上祀明全思誠

國朝嘉慶十年里人重建

沈公祠 在姚家衙祀明左布政使沈恩嘉靖中巡撫都

御史夏邦謨建

明張秉壹記略 公諱恩字仁甫宏治丙辰進士初任刑部主政歷官至四川左轄據志所見如蒙逆瑾

之誣成古鑑之獄可以舉節平白水之寇榮采木之
旌可以觀才削牢洹之例省浮費七十餘萬可以觀
仁易簣之緊貧無以爲斂可以觀廉非古所謂全德
之君子歟宜其身後有令名焉祠地極福小建樓以
主神居東西亦各有側樓外爲碑亭前有石獅南卽
通道樓閣軒楹僅成法度而已蓋其貴極外臺貧無
立土故遺田止三十六畝當墓之陽其宗人相與盟
世守之且擇良者掌歲入以奉公祀于弗替益足以
見公德之在人人心竊喜
公之祠終有賴焉已

陸文裕祠 舊在學宮後嘉靖中建祀明詹事府詹事贈

禮部侍郎陸深

別祠

在黃浦之東後
樂園舊址也

潘恭定祠 在廣福寺內萬厯年建祀明左都御史潘恩

喬懋敬有記

潘方伯祠 在舊演武場上祀明布政使潘允端公以參政董漕儲加惠桑梓士民請於官祠之萬厯間建唐文獻記

國朝乾隆三十八年裔孫某移建在北門外

孟侍御祠 在三十五保祀明御史孟暘景泰中建

徐文定祠 在太卿坊祀明大學士徐光啓崇禎間建賜

額曰王佐儒宗

喬將軍祠 在西門外祀明游擊將軍贈都督同知

國朝賜諡忠烈喬一琦天啓中建

周郡侯祠 在吳松江陳家渡口祀松江府知府周中鉉

侯濬吳松江死事松民惜之爲立祠雍正六年建

忠義祠 在縣治淘沙場卽王氏素園故址雍正元年建

節孝祠 在忠義祠西雍正五年建

烈婦祠 在牖西爲楊春妻顧氏建

南隄縣

先農壇 在縣西門外雍正四年奉

敕建

社稷壇 在縣南門外

風雲雷雨境內山川神壇 在社稷壇東

八蜡壇 在縣東門內乾隆丙申知縣成汝舟卽劉猛將

軍廟恢拓舊址別構殿以祀八蜡神而祀劉猛將軍以

下如初制易今名

按蜡有八應主康成禮記注疏
邑疑昆蟲不宜並祀去之非是

東海神壇 在南門外乾隆四十年知縣成汝舟改建更

名龍王廟五十七年知縣胡志熊重修

邑厲壇 在北門外雍正五年知縣欽璉重建

城隍廟 在縣治西南明洪武二十一年千戶陳盟建郡

人錢福記

國朝雍正六年知縣欽璉改造大門儀門乾隆四十九年
知縣張大器倡修嘉慶十八年知縣鄭人康重修

別廟

一在周浦鎮本杜浦廟雍正五年建乾隆年間道
士張軒臣募修 一在新場鎮 一在撥賜莊乾

隆二

十五年重修 一在一團鎮本葉公祠詳見後
一在杜行鎮乾隆四十二年重修 一在王家浜北明

杜戲
番建

土地祠

在縣儀門左

文帝廟

在惠南書院左嘉慶十年知縣張昌運卽書院

東廳改建

別廟

在周浦鎮嘉慶十
七年里人捐建

武帝廟

舊在南門內明永樂八年千戶張敏建

國朝雍正六年知縣欽璉重修乾隆三十九年知縣成汝

舟移建西門內有記嘉慶二年里人捐修

別廟

一在周浦鎮乾隆壬子知縣胡志熊增修 一在

大沙路口

乾隆庚戌周廷楷等重建 一在三龜灣乾

隆癸亥

咸聖希建 一在五龜港 一在鹽鐵塘北岸

二畝

一在六龜鎮康熙年間申氏建乾隆初年里人

重建

一在十七保三十四畝明陳日甫建

天后廟

在南匯紫明洪武二十八年千戶陳斌建

海神廟

在縣東門外向為武帝廟雍正七年知縣欽璉

護府篆時邑人請建後殿乃以前殿奉海神春秋祀之

以祈雨澤

火神廟

在東門內乾隆十一年知縣胡具體建四十四

年知縣成汝舟重修

倉王廟

在周浦鎮

呂祖祠 在西門內舊濟福觀嘉慶十八年建

別祠

在周浦鎮以上祀典

東嶽廟 在南門內明永樂十六年總旗宮庸建

金山衛夏志

明徐階記 東嶽在魯地去此三千里而遙又禮諸侯祭封內山川非其人而祭為僭非其封而祭為騷或曰秦始皇東封岱宗至海上駐蹕秦阜山後人慕其侈故祀之或曰今吳端氏以東嶽為天妃司人生死壽夭之算祠東嶽祠天妃也是二說皆怪誕不可信以予言之吳為古揚州之域東嶽在東方揚之諸名山宗之祠嶽始取諸此自漢以來古禮日廢山川之祀達于齊民而禮有能禦大災捍大患則祀之文邑濱大海風雨無時祀之以祈其庇使雨暘時若而已

南北蕭王廟 在沈莊塘

晏公廟 在新場鎮

沙塗廟 在一團鎮

別廟

在橫河南

鹹水廟 在護塘外南偏

以上通祀

江東大王廟 在下沙鎮

按神姓石名固秦人漢高祖六年灌嬰略定江南至
贛城神現于某山告以克捷之期士卒駭異凱還往
酒款謂立廟贛江之東至孫吳時遷神于吳
境祭之頗著靈異見括異志 以上舊祀

葉公祠 在一團鎮祀明巡鹽御史葉永盛萬曆二十九

年建郡人陸樹聲有記今竈民即奉為場境城隍

明陸樹聲去思碑記略 三代之時鹽雖入貢與民
共之而煮海有禁自管子始嗣後猗頓桑宏羊孔僅
競相附和其利害得失互倚伏也明興建設轉運提
舉司課有常額遠邁漢唐祖宗重此典即懿親勳戚

松江府志

卷十八

三

出

無敢妄撓蓋九邊之軍實邊氓之命脈繫賴重鹽法所以固邊防厚民命也我松濱海產鹽下沙場稱最嘉靖癸丑間倭災內侵流亡殆盡商人攜銀資來居民稍稍復集繼以旱潦海濱仍半淪溝壑萬歷壬午己丑令侯鄧許兩君爲築塘濬河商民始有依棲邇年奸弁高時夏妄奏餘鹽山堆谷積橫徵兩浙可得稅銀十五萬貧竈釜空灰冷醵鳴無從會餉御史葉公來管鹽政甫下車愴然嘆曰萬井蕭條而重以煩苛商人將掉臂矣百萬獠狽寧枵腹待乎藩垣旣傾腹心之禍將移于內地奈何以祖宗邊儲大計壞于二三宵王乃上疏力陳疾苦至慨激也五疏具在讀之言淚下非此何以回聖聰而翦奸弁耶民方長借公于海上而以艱去攀轅巷悼若赤子之戀慈父母茲有以見公之德在民心也公名永盛號玉成寧國涇縣人萬歷己丑進士

清風祠 在下沙場祀明分司夏之彥崇禎九年建有碑

記今圯

羣英祠 在東門月城內順治七年分守南匯游擊李耀

春重建祀明鄭總兵

舊志不載名號下同

方太守王游擊侯指揮

楊同知孫范二守備案諸公後先仕宦屏翰海邦各有德政及民都人士肖像建祠以俎豆之今圯

衛文節祠 在十九保祀宋衛涇舊有賜祠在華亭嘉慶元年衛旭明等呈請移建又捐田三十三畝竝祀明宣城伯衛璋

秦氏宗祠 在十九保祀明待制秦裕伯乾隆二十三年裔孫益謙重建

陸太守祠 在富豐莊祀明饒州府知府陸文旺今其後

遷旌表亭裔孫冠金等建

夏侍御祠 在十九保祀明御史夏長文永樂中長文以言事全家戍邊幼子貴蒙舅倪姓得免嘉慶六年裔孫存德建

杜氏宗祠 在十九保水月庵祀其始遷祖杜自然明工部尚書杜士全乾隆十六年裔孫文傑建

白沙先生祠 在十九保祀明先儒陳獻章嘉慶十三年裔孫克家克勤并捐祭田七十畝

永思祠 在六團祀明義士贈潞安府同知喬鏜及子雲南副使木舊有仰德祠歲久傾圮嘉慶十一年裔孫文

柏熊等建易今名

忠勇祠 在縣治東門內祀明李府及其二子香黍嘉靖

三十年建

明李自華記 嘉靖癸丑倭寇內犯四散流劫南匯
被圍官兵望風披靡奔竄幾盡有軍官李府者率其
仲子香及族丁三十人力戰斬首四十餘級賊退十
里吾軍稍安乘勝追逐有賊長丈許聲若雷遽之戰
不三合斬之于是賊相滅避焉詎朝復戰又斬其先
鋒二人賊走追戰再勝之伏賊蟄起萬矢齊發父子
身無完膚均殁于陣無何城遂破越七月更繕城守
明年四月賊再犯香弟季年方舞象仰天祝曰為君
父報不戴之仇在此舉尋出戰獲三級獻是夜賊以
布梯于雉魚貫而上一賊將登城黍覺拔劍斬之下
視賊見蜂集黍急推城墜賊傾城墮而死者數人城
賴以全明日大戰殺賊無數賊聞其名呼曰誰是李
三郎黍挺身應卒為賊砲所斃府孫尚衮年甫十
三哀號抱體而白之當事巡撫陳公憫之捐俸立祠

勝曰
忠勇

葉忠節公祠 在新場鎮康熙五十二年 部議葉映榴
已於武昌建專祠其本地令本家自立祠堂奉
旨依議其子塲卽宅南地建

施氏宗祠 在閘港祀浙閩總督施維翰祖大謨父紹著
朱會元祠 在周浦祀翰林院庶吉士朱錦

青浦縣

先農壇 在小西門外

風雲雷雨境內山川神壇 在北門外

社稷壇 在北門外

邑厲壇 在北門外

城隍廟 在縣東北隅明萬厯元年復建青浦縣遷唐行鎮知縣石繼芳移建三十一年徽商吳光綬建樓崇禎十一年知縣吳之琦修十六年知縣何源修十七年知縣陳燠增建

國朝乾隆十年知縣喬式祖倡捐別建靈園於左環以樓臺水木明瑟曲折幽邃五十二年知縣孫鳳鳴踵事增修自爲記

按青浦城隍神爲明郡人方伯沈仁甫名思崇禎六年敕命猶存國朝王希伊靈園記 青溪城隍之神感應輝赫乾隆乙丑丙寅開廟之東偏建堂曰有覺軒曰得月樓曰歌

薰閣曰迎暉旁鑿小池疊石其中橋架碧水美哉始
基之矣越二十餘年迺沿流增以岸舫舫後有樓曰
夕陽紅半有堂曰凝和復益以精舍數楹視前較勝
矣而究未有大觀也余自甲辰乘鐸以來見閩邑踴
躍輸將拓地庀材漸次就理濬池累山植以紅蓮互
以長隄隄有亭曰湧翠磯曰濯錦石梁曰喜雨由此
而麓而巔重巒複嶂樹木蓊鬱有亭曰餐霞後障以
樓曰借樂亭曰寅曦軒曰魚樂國從九曲廊而上憑
高縱目遙山蜿蜒村鵲墟煙宛如米家畫幀又東爲
花神祠庭臨三峯羅蔣花卉四時皆春焉園門中建
以碑亭昭神之憑藉也不幾年而通觀厥成僉曰靈
哉是宜名焉斯役也董事戴子赤城矢公矢慎紹前
人而經理之也其創始者高子希賢也繼事者張子
丹巖也後來總其事而捐修擴充者乃桐峯孫邑侯
也邑侯才練政勤急公樂善余忝文宇之交每得追
陪覽勝相與讀神之傳誌爲低徊留之竊幸躬逢其
盛而記之云

別廟

一在青龍鎮明嘉靖二十一年建
一在觀音堂
國朝乾隆三十九年里人捐建
一在珠街

鎮南嶺商程履吉于乾隆三十一年移建平橋北一
在黃渡鎮南華湖浦上乾隆十九年移建 一在金澤
康熙年建
一在沈港

土地祠 在縣儀門左

文帝廟 在盤龍塘普門敎寺東乾隆三十三年建

別廟 一在鳳谿鎮嘉慶十二年王有光募建 一在黃
渡鎮 一在金澤鎮宋時建 一在濟農倉前

武帝廟 在南門外

別廟 一在潏山湖南門內 一在洪武年道土彭素雲建 一在
一在金澤林老橋北 一在沈巷福田

庵
右

火神廟 在城內萬厯二十年知縣卓鈿建

劉猛將軍廟 在駱駝墩西北萬厯四十二年建

別廟

一在金澤東康熙二十九年里人重建

呂祖祠

在東奈山下祀典以上

東嶽廟

在七寶鎮宋時建

別廟

一在青龍鎮一在沈巷

真武廟

在金澤普濟橋東宋時建

鎮海侯廟

在察院東里人張應璘等修建

別廟

奈山

啓聖廟

遷父諱改聖在縣西海隅鄉顧志云昔孔氏二十二代

孫潛避地會稽遂爲郡人其後卽所居立先聖廟舊志

云在慧日院中其側爲

父諱廟皆子孫奉祀之所也今

二廟相去頗遠與院亦隔絕謠爲土地祠雜祀非鬼其
先聖廟上海丞楊繼榮始釐正修葺之局垣置守工未
竟而輟蘇志嘉定白鶴村亦有是廟村在白鶴江西聖

父諱浦北皆孔子之遺蹟也案縣治蔣浦有父諱廟又名

梁岸神袞冕似啓聖王象或曰宋嘉定中置青龍鎮學

因建啓聖祠然地去鎮數里直呼聖父名尤悖祠爲土

地制尤褻割裂叔字更于文義窒礙舊志相傳項籍爲

吳松神唐時沿江立漢功臣七十二廟以鎮之蕭韓紀

信皆有祠字此當是彭越土人讀彭若旁讀越若岸而

越嘗封梁王輾轉錯謬遂稱梁岸又謠爲父諱爾今堂

廡高敞香火不絕究未定爲何神姑載以俟考

逢陣山九烈夫人廟 在三十三保相傳梁武帝被兵匿

胥井中有婦女九人覆以藍草追者詰之不言皆殺之
帝因得免後敕封建祠至今塑象存焉其北有梁武橋

順治三年重建

魏球邑志

按舊志稱起自漢武者固譌然考梁武本紀生平
未至松江何由有被兵匿井之事恐屬傳聞之妄

太傅明王廟 在青龍太傅橋右相傳漢蕭望之顯靈於

此監鎮祀如城隍神

陳志

淮浦土地廟 在淮浦上相傳項羽爲吳松江神屢有風
波之警唐時沿江立漢功臣七十二廟以鎮之疑此卽

淮陰侯廟也

王和邑志

漢陽王廟

在大蒸元大德五年建

王圻邑志

糜公廟

在皇甫林西明洪武初祀爲土神

陳志

明楊豫孫糜公祠記 華亭富林之西蓋有糜公廟云相沿率以爲土神或曰糜神姓或曰糜古隱君蓋沒而祀社如其工厲山氏者然無傳矣余聞父老言富林故茂草也前百年市不能三家爲鎮至徵淺不得附名于郡國之書而况一廟乎暨天順成化國家承平閭閻號爲充實生齒日阜商賈輻湊絡繹宏治以來又彬彬矣鎮望既著外史列其名于平原貞祐之閒而廟亦顯于時官觀之麗禱祠之稠黃冠羽衣之所守而不夫與鎮適際其盛夫昔之徵也而後之顯也若此風氣人物固有生而亦孰非神之力量也哉乃今三十四年閒風銷澤艾而廟亦圯矣嘉靖辛亥鎮人都幕曹君等鳩作越明年壬子訖工廟制前後二堂前以奉糜公而以道家諸神附于後既成以請于有司命羽士張普清守之而屬記于余余意移

風善俗必有其本而求之廟得毋聽于神耶雖然鎮
之人將有觀廟之翼翼而憬然者其聽于人耶抑聽
于神耶

曹娥廟

在趙屯東村元泰定間姚得昌建

魏球
邑志

青山廟

在彝山西顧志云爲杭州洞霄宮莊其南潘蕩

之陰舊有庵爲天聖莊其西南衆福院爲淨慈莊華亭
未爲府時縣學田碑亦有淨慈莊戶衆福南爲靈隱莊
天聖已廢靈隱青山至今占籍爲寄莊乾隆四十二年
僧德安重修

柘澤廟

在柘澤塘上永安橋西顧志云祀川山劉五節

使廟西崇福院記稱神有陰功莫知所自始新場鎮亦

有節使廟皆不可考案縣志作柘澤明王土地廟在北

門內萬厯年建乾隆五十年知縣黃玉瑚因廟址隘移

建新橋西嘉慶十四年重修

川山節度見前劉廊王廟

顧長官廟 在崧塘西萬厯九年里人姚蒸建

朱聖明王廟 在四十四保艾祁東北

陳志

保安司徒廟 在崧澤鎮

陳志

總管廟 在金澤鎮

邑志

花橋廟 在三十四保明洪武年建

郭志

古境廟 下臨橫泖相傳元兵至泖上有老人指示他往

居人獲免殺掠以爲神祐立廟祀之

顧志

華潮廟 在黃渡鎮明洪武建相傳居民奉彭越爲土神
嘉慶十七年重修

艾祁廟 以浦名

城山廟 在鳳凰山麓

章廟 在四十六保青龍章氏香火院也

小雲臺廟 在七寶萬厯中袁長史福徵建

三星廟 在鳳凰山鎮嘉靖中僧月信給帖卽稅課局基
建造崇奉明世宗賜徐文貞階三星象以上舊祀

彭真人祠 在神山仙冢前萬厯初建

葛仙翁祠 在金澤安樂橋南

會靈仙祠 在澱山普光王寺旁乾隆二十年澱山司巡

檢馬錦重建

宋何松年降聖夫人記 嘉興郡之良隅湖以澱名
中流有山屹立昔人槩以澱稱之澱之山其勢峩然
澱之湖其光渺然憑高望遠使人心開目明然非有
神力鎮護之何以取重于世故倚山而寺曰普光護
普光之伽藍以主是湖山者曰降聖夫人予嘗求諸
傳記則自嬴秦來夫人始降世實始皇時人邢姓家
澱湖東地曰柘溪世代綿邈莫竟端緒其父三府君
為時大善知識生三女俱有神異夫入尤恪守戒行
頓悟精微遠俗修真超凡入聖與二女兄咸受夙命
處一時名山勝境而分主之長雲鶴夫人主訖湖次
月華夫人主拓湖今降聖夫人其季也幼奉普光王
之戒遂涖澱湖今寺額蓋奉敕取夫人之所受戒者
名之自夫人之命世也四境之內年穀屢登家給人
足疾癘不作寇盜屏息戴白之老不見兵革民物熙
熙號為樂土自主伽藍神迹顯著不可勝計惜乎閱
漢晉隋唐五閏數百年來無有紀其實者曩雄峯禪

師嘗住是山采繪聖像欲用大國諸侯之禮而紀載
猶闕先正萊公裔孫從義郎寇君問留紀屋壁字畫
漫滅有識惋嘆自夫人建祠于此莫知幾春秋矣昔
之濟是湖者懼夫巨浪滔天驚濤沃日無不股栗祈
禱許賽僅可汔濟今則蘋藻滋蔓波澄水瑩往來安
坐而適里社之民春秋祭祀祈求水旱響應尤捷皇
宋開國真主應運河伯效靈夫人祠山之後倏然一
峯洞出於波光浩渺之中始則隱隱猶與水平不數
載間日漸突兀其形如龜山因以名寺僧相與創亭
于山巔以便遊覽山西北有龍洞其深莫測時有神
物出沒其間樞密臨川羅公以王事驅馳祠下形諸
吟詠有龍洞淵淵靈籙劍龜山隱隱瑞璧成圖之句自
是騷人墨客接踵而至名章俊語珠輝璧映今日漸
墜繁草亦蒙蔽相傳向有漁婦孕穢神物遂不復見
然人步屨其上鏗然猶聞空琴之聲浮圖震動遙
風濤洶湧二龍交戰于湖中殿宇飛揚浮圖震動遙
見一龍蟠護其上至今波濤將作前一日湖光必豫
漲溢鄉人以此爲驗嘉定甲子夏旱邑長委僚案親
詣祠宇致禱于靈湫奉勺水以歸將禮祭于琴堂之
上甫及縣雨隨車至甘霖徧足予寓雲間習聞靈異

適瞻禮眸容會鑑堂禪師正主法席歷道其神迹之
顯且言莊租歲入甚薄而中外待哺者踰三千指游
衲往來不輟量入爲出僅支一季頃禱于神冀垂濟
祐未幾濱湖巨室及是境善信凡遭喪戚而骨未有
所歸者繼入吾利禮佛飯僧捐施無虛日開禧丁卯
夏六月望予挾豕子越湖省親以歸是夕望舒流光
飛廉借便驟舉而舟駛夜氣將半抵一村曰南徐不
意雨霽流溢風吼濤怒舟遽顛覆予與弱子泊使令
輩皆墮中流予賴神庇免葬魚腹子不幸而斃予支
吾風浪中屏氣不息或浮或沈自謂去泉壤無幾已
而若有憑藉努力一躍竟得篙師依附有頃更生身
歷神驗如是又烏敢泯其實已而鑑堂屬予記姑述
其繁俾勒之堅珉云

居簡會靈祠記 歲秦時邢氏三女子死而有靈能
役鬼工各開湖柳潞亂流以弭水患澁湖之靈其季
也網罟之利舟楫之益民歌屢豐災害不生一方之
民均飫其惠嘉定七年孟夏大旱奔走羣望有禱輒
爽知縣事李伯壽命主簿陸鳳躬至巖扃檀木始然
水立晝昏濺沫飛濤沮如冠裳旁睨辟易陸固自若

松江府志

卷十八

三

不衡不倚若有相者得魚得蛙速雨之徵必冀所求
不獲不已白魚既躍蛙亦隨至沛雨滂注三日足用
歲大有秋申聞朝廷錫號會靈陸乃肅肅寅奉以行
以侈君賜以答神祝觀者如堵震動山谷水天一碧
幽巖咸若黃耆船背歎未曾有爲之歌曰湖山兮蒼
蒼湖底兮天泱泱樓觀凌空虛突兀今金銀鎗袖纏
今轉輸杭稔今饒湖不知幾千萬年寄豐凶于慘舒
煙冥冥兮不顧頽風蕭兮蒹葭貝闕兮襲元宥物不流
撫兮民不顧頽風蕭兮蒹葭貝闕兮襲元宥物不流
雲兮新滋神之靈兮聽之
許尚詩神居陰物護闕閼捍
洪波莫慮蛟龍怒年來畏叱訶
元王逢題祖龍之世邢三姑事蹟缺載鬼董狐相
傳有功潏山湖百遍舂鏹當先驅至今雕櫳映銅鋪
祈祥弭患無日無我嘗舡舫駕眇軀邇風遙禱輒感
手幾年思報願欲殊身寢衰病詩羅枯茲夕天倒白
玉壺初月迥朗長庚孤蒼蒼淡煙斂平蕪馮夷水仙
率敬途異芬醇醇掠鷗澈妙音殷殷來鸞衛袿衣絳
綠彷彿見采旄桂旗恍惚俱若將有意遺佩珠脩焉
而臨倏爾徂坡陀肅入一僮巫亦望文士如韓蘇二

國朝

朱彝尊詩 二百里澱湖風與圓柳合茲邱峙其隅

麼 equal 璧蛤想當在中流川氣互蕭萑漁商恒惴恐

波浪恣礪碣愛此一簣山表以千花塔風帆走四面

烏鵲遶三市傳聞秦女神于焉沈錦踏大姑鶴背騎

仲始蟾背躡季也鞭青蚪履用五絲鞭力能役鬼工

地戶信婢悶忽恍靈旗翻飛雨響修羅物換改桑田

祠宇儼蘭閣月檐搖綠幡煙帳薰紫蠟至今千載蛟

不犯青苔楊其西鑿井泉與湖暗呵欲綆瓶都棄真

猶幸闌未塌循徑入寺門虛廊屏籬雜土灰掩法王

無復辨魚鵠一童啓荒扉一老補敗衲既免禮數煩

且喜朋簪盍巖遊足眺聽鳥下乃潛虛言是龍子蟠

黑雲時出納何年湧山根若願略噬嗑鴨脚三兩株

建置志

三

壇廟

三

一

不知幾僧臘枯條神所護孰敢肆摧拉試驗縱橫陰
誰與量玉鈴南有修竹林冷翠壓簾第疏籬野薔薇
綠刺見斜搭坐久山鳥鳴惜哉少
酒榼何處星星鐘隔浦遙相答

雙忠廟

在青龍鎮祀唐張巡許遠宋建炎元年敕建

顧志

云下多寶藏土人往往得之

小涑廟

在小涑浦口廟側又有小涑土地廟土人謠傳

爲漢南越王趙佗

魏球邑志

斜涇廟

在崧塘旁有營戍

魏球邑志

聖僧廟

在三十八保羅方州記云由拳縣治東二十五

里有廟曰聖僧不知建於何時相傳有僧焚修其地沒
而人欽其行厥後能爲一方捍患受封爲神因以聖僧

名其廟云

石神廟 在澱湖西宋時建

先賢萬子祠 在三十一保元至正九年萬鏜建明天啓

二年萬世珍擴基重建並捐置祭田三十畝

國朝嘉慶十三年裔孫萬墳遵父炳遺命另建寢室復捐

田三十畝王初桐有記

王和邑志

元謝應芳記 參天地而並立為三者道德之儒是也當戰國時合縱連橫之說行類皆以詆賢侮聖為口給自子與氏出與萬章之徒序詩書述仲尼之意作孟子七篇而七篇之目萬章居其一蓋孔子沒而能私淑諸人者子與氏也佐孟子以講論道德質疑解惑息詆賢侮聖之喙者萬章也斯其人非所謂參天地而並立為三者耶上海萬君鏜其苗裔也先世自建康南渡從豫章來居松江之上海北亭鄉傳十

四世至宋遠生二子君居其次學問淵博闡明孔孟
及宋儒之書上溯洙泗下迄閩洛道統源流瞭如指
掌屢試不第絕無怨尤粹然爲道德之儒真無愧爲
大賢之徒後者歟默念數世居此尚無祠宇遂翦茅
茨築基址構堂三楹中設先賢萬子之位而以始遷
以下之栗主附焉并屬予記之予維萬氏系自晉卿
畢萬至萬子從孟子游得與聞知之列其言講求虞
帝禹湯伊尹周公孔子百里奚之軼事豈真不知抵
掌立談之輩始爲之設疑發覆其亦深不得已之心
而非爲好辨者矣至問交問友問不往見之義尤見
其尊德樂道非儀衍淳于之徒所可同日語倘使生
孔子之時寧不與七十二賢之徒彬彬乎周旋于闕
里之堂哉宋政和五年詔定鄒縣孟子廟配享從事
皆擬封爵萬子贈博興伯與孔門之徒相埒今萬君
鏗立靈宇以妥先靈其必以萬子爲始者蓋溯其所
自初非以大賢之徒誇炫耀己也禮云士一廟萬君
膠庠名士建祠以祀亦士廟之制也輪奐不必誇美
棟宇足蔽風雨也鼎俎不必具列器皿足盛犧牲也
循系而降昭穆之序秩如也及時而薦春秋之享齋
如也行其庭儼然如在登其堂輒乎有聞俾子孫世

守勿替行將見習禮釋奠四方于是乎來觀是祠以
萬子著者不獨一家之有慶且為鄉黨所矜式遂書
此以復萬君請勒諸石以告後
嗣元至正九年十月朔日記

海忠介祠 在南城濠上祀明都御史海瑞萬歷四十七

年建後知縣賀仲軾重建

明陳繼儒記 肅廟朝直言極諫者無如忠愍楊椒

山公忠介剛峯海公楊公死東市而海公久繫司理

賴穆皇帝奉遺詔出之賜節江南先聲所至墨吏望

風解綬去特疏請浴吳松江與工之中兼行賑飢之

法于是高鄉亢旱田悉成腴壤所救溝中瘠且百萬

計其後拂衣歸復召為南總憲臺綱嚴肅取所屬御

史如子弟無假借毫髮沒于官不能斂六卿以下紀

綱其張事始得還御史郝杰嘗建椒山祠于保定賜

額曰旌忠而海公未有祠公薨三十年餘吳松四面

皆塑公像僅尺許置之筭輿中牧笛漁鼓裂繒為旗

而前導之禱于公祠福如響而青浦南郭外不百步

亦有海公祠其象稍偉然儉止一廡耳前令某改作

河梁館以迎客撤象倚壁閒塵土掬面幾不及叢冢
野廟真異事也獲嘉賀公令青浦嗟歎良久即日更
新之且同王博士伯滔率諸生饋奠惟謹春秋列祀
典莫敢廢墜公謂陳子曰區區薦蘋酌水未能為海
公重輕第獲人毀之獲人修之亦足為同鄉懌悔耳
嗟乎楊忠愍論墨相遇故死海忠介諫聖主故生海忠
介遇俗吏故祠毀遇廉吏故祠得復全此天意勸忠
假手賀使君以延一綫之廟貌以永數百世之丕嘗
公雖亡不亡後雖絕不絕前為父老慰後為令君勸
豈獨以名巡撫尸祝于江南茂賀公名仲軾中庚戌
榜河南
獲嘉人

丁公祠 在縣南祀都御史丁賓崇禎二年建有四賑亭

屠公祠 祀知縣屠隆

羅公祠 祀知縣羅朝國

陳司理祠 在橫雲山案陳司理舊志未著何名亦不載

創建年月考之前志松江司理有二一名懋觀福建長樂人嘉靖四十二年由給事謫官於此一名薦湖廣邵陽人隆慶五年任官至南京刑部尚書在松時並有異績此祠未知孰是姑兩存之以俟確考

二陸祠 在縣西南祀晉陸機陸雲明萬厯八年知縣屠隆建

明屠隆記略 二陸先生早歲以天才膽逸見賞司空其文湧奔泉屬天星吾顧不論史稱平原服膺儒術非禮不動即教麗本實之士奚過焉若士龍清識要自偉然矣或謂其周旋昏亂之朝卒與禍會為非知機者夫黃鵠游于汚池祥鸞鍛于棘林蓋亦天命非由人事嵇叔夜龍性矯舉薄富貴若條龍卒亦不免豈文章之過耶觀平原臨收白帟從容神色自若此其氣量宏遠于生死了然矣夫學至于了死生豈

易及哉其生也聲譽馳于九州而其死也精神感于兩儀鴻麗之文兩先生霍焉競爽至使君苗燒硯蔡公流血吳會秀異之氣實發于兩公譬之天雞始鳴曜靈啓塗其有功于來茲大矣兩先生華亭人青浦故華亭西鄙兩先生墓實在青浦則今固青浦人也

不佞來令茲邑既祀兩先生于學宮復爲之建祠專祀而併考其生平之履履使知不佞之所願執鞭從事者不獨以其文是役也不佞實捐俸首事終之者部民陳謨蔡倫諸人而祠基則俞孝廉顯卿所捐土田皆好義有志者例得附書

四賢祠 在細林山崇真道院側祀首張翰陸機陸雲梁

顧野王萬歷中郡人張之象建之象沒後里人增祀之

今名五賢祠

明張之象敘松郡四賢者家季鷹陸士衡兄弟與顧野王也余得崇真道院側隙地數弓創是祠宇歲兩祀之蓋四賢孕靈峯泖挺秀東南南奉祀之期必以上巳重陽亦存三九之意云

張宮諭祠 在鳳凰山祀明左春坊左諭德張以誠崇禎

時建

陳夏二公祠 在皇甫林祀明陳忠裕子龍夏忠節允彝

嘉慶六年郡人知府陳廷慶創建歲以春秋致祀

國朝陳廷慶記

景忠祠者華亭陳忠裕子龍夏忠節允

彝之祠也於惟我

國家褒節勸忠顯幽卹滯昭揭大義如天無私凡勝國死

事之臣其行事有可依據皆蒙

賜諡予祠于是陳夏二公及夏公之子節愍完淳其文學行

誼與其臨難大節卓卓然累著于天下嗚呼此固足

以仰見

聖人大公至正扶樹道教激勸天下為人臣子之至意而

要非忠義之氣孚于異代亦不克承此而無忝謹按

二公以同里相友善各負絕人之才博學工文務經

世之略熟於古今治亂成敗之迹倡為幾社以應東

林諸君子海內人士望風景附惟恐後時既而俱成

崇禎十年進士忠裕以紹興推官平許都亂擢兵科
給事中事福王南京乞終養歸南都失守忠節先死
忠裕以祖母老通爲僧尋結太湖兵舉事受魯王部
院職銜被執投水死忠節起家長樂縣令爲天下廉
能第一福王擢爲吏部考功司主事以母憂不赴後
爲絕命詞自投深淵以死而舍人節愍復以海船郵
喪撰文事被逮不屈或云與忠裕獄詞連染兩家先
後殉節大略如此夫以二公之文學行誼使其得時
會樹功烈必有所以見于世者乃獨丁百六元二之
災值天地閉塞之運防江之策亦成空言薦士之疏
入而不聽至于奉諱辭官白簡妄奏嫉賢忌能莫斯
爲甚宜乎清歌漏舟之中痛飲焚屋之內賈生之哭
未終屈平之石已懷使忠臣義士憤惋歎息乃事隔
百年節顯

昭代周餘夏肆皆得被日月之光以震耀一世之耳目此
又非二公之所及知而鄉人士君子所爲仰頌

聖德歌舞讚歎者又宜何如也忠裕公墓在富林鎮之集
賢鄉前青浦令孫君鳳鳴教諭王君希伊謀置祠宇
墓田會改官不果少司寇王先生和創議建祠台祀
命某經紀其役上而守令下而邑之士大夫莫不助

財興工不勸而集經始于某年月日成于某年月日
名曰景忠爲堂三楹兩廡夾室凡與公同事及門人
之從死與收葬二公者皆附祀焉某舊隸史氏職在
紀述是不可以無書爰卽麗牲之石爲文以紀銘曰
國與天地必有與立志士仁人終古無極維明之
季大命先傾登庸側媚芟刈老成東林諸君退而講
學曰復曰幾相與倚角矯矯雲閒時維陳夏鳴其正
聲以救變雅陳公天人磊落魁奇定亂殺降功成願
違朝廷雖小其言則大勿恃長江僅一衣帶折款抑
奄登塗進祝黃閣誰庸青蒲空伏朝歌夕舞燕鼎
魚哀不卽死以爲後圖五湖之濱竿鬣國視于周爲
頑于殷爲義尺土無地孤臣逆天力窮百戰身沈九
淵倚與夏公同道爲友生同高名歸同白首略出所
有己天下最蜚文伊何彼譔亦太國亡家破空山徬
徨先吾友死歌詞慨濶亦惟令子十八從軍鬼雄勿
驚豈無鉅公名重當世呼吸死生一敗塗地豈無文
章雄視千古君子惜之謂是無取二公之行秋霜昆
玉二公之文屈悲賈哭鼎遷代易遭逢

聖朝

揭此

隕星

與日

月高

維

建

置

志

壇廟

皇敎忠維士景賢神道宰若崇祠巋然嗟我

鄉人式拜式下刻此銘文以勸來者

王和詩 翠柏蒼松照水村烏頭綽楔表龍門姓名

早入前朝傳

贈鄧還初異數恩一代文章光典策四時俎豆薦

蘭蓀獨憐忠節聲華竝馬鬣無由問九原

忠烈祠 在鍾賈山祀深州知州贈太僕寺少卿孫士美

及其父訥崇禎年敕建

陳徵君祠 在佘山祀陳繼儒舊有神清之室因以爲祠

五公台祠 在南門外濠上舊爲三公祠祀

國朝于成龍湯斌李復興西門外八字橋舊有三公祠祀

明夏原吉海瑞

國朝于成龍有田爲祭費嘉慶六年里人因遷濠上爲五

公合祠并歸其田

國朝王原改建三公祠引青浦縣治西郊三里有忠勳祠邑人爲兩江制府清端于公成龍建也公于康熙

天子稔知公之賢跪念南服擢爲總督倚毘甚至公才兼

文武用備方員剛嚴以勵操仁恕以居心敏恪以立

事公明以察吏自公之至鳴音革化萬彙昭蘇當是

時也大江左右數千里內奉公一語溫若挾纊凜若

臨霜蒨屋茅檐呻吟疾苦靡不霍然病已如公之親

爲噢咻之而撫摩之也茲徒猶胥舞文飾詐靡不盡

然瞻喪如公之臨以斧鉞而震以雷霆也吾鄉之人

方困于虐吏得公而頓釋其所苦故歌舞公之愛澤

爲尤深比公薨于位士哭于校民哭于野哀慕謳吟

久而不忘思有以報公之德而無從也乃撤淫祠更

新之奉公祀以尸祝之又以爲公之濬吳松開水利

幸三吳之民不僅澤被于當時又受庇于身後也守祠僧旬成以祠制狹小欲恢宏而改作之諗于衆莫不踴躍余爲諸生時曾受公知親炙公之教誨其在于今復得睹開府公箕裘紹美奕葉重光叨居宇下踴躍尤甚庶幾期月之間觀厥成焉後有史臣列傳書公之宏勲偉烈而以斯祠附書焉卽以吾邑爲公之祠鄉無不可也

梁壯敏祠 在鳳凰山祀

國朝江南提督梁化鳳

九峯山人祠 在神山祀進士諸嗣郢

國朝周綸九峯山人祠詩 細林山勢鬱嵯峨強半人煙百丈波一棹紆迴牽畫鷁千章松檜矗青螺當年文酒流連慣此日登臨感慨多宿草茫茫祠宇近諸君不死竟如何

王氏宗祠 邑人王和建

忠義祠

在學宮左乾隆四十九年教諭王希伊建詳見

學校

孝子祠

在學宮東偏祀孝子孫琮乾隆九年建

節孝祠

在學宮西偏卽魏球青山棠院改建

川沙撫民廳

先農壇

社稷壇

風雲雷雨境內山川神壇

邑屬壇

已上俱在東門外並嘉慶十年同知高伯揚建

城隍廟

在西門內明隆慶年建

國朝康熙年修里人莫秉清題額析治後因之

土地祠 在署儀門內

文帝廟 在城東南隅嘉慶十七年同知周垣職員沈靜等捐建

武帝廟 在西城門內明萬歷三十八年建崇禎十年修國朝康熙年屢經修葺爲官紳朝賀之所今仍其舊

天后宮 在西城門內乾隆五十年川沙營川將黃楷率屬捐俸倡建

倉王廟 在城東北隅嘉慶十五年同知周垣建

劉猛將軍廟 在東門內康熙五十三年建

別廟

一在高橋鎮上海知縣任辰旦建
褚菊書額 以上祀典

東嶽廟

在南門內雍正十二年建乾隆年重修

別廟

在廳治二十二保明萬歷間建
國朝乾隆三十八年修

真武廟

在城西北隅

元壇廟

在東門內康熙五十三年建

鎮海侯廟

在廳治北門外

蕭王廟

在高行鎮北順治三年建乾隆間增修嘉慶十

二年重修

陳王廟

在二十二保俗名老城隍廟明嘉靖間重建萬

曆年修

國朝嘉慶七年改建十一年里人重修

岳忠武王廟 在廳治即大護塘基址始建無考

長人鄉廟 在北門外以上通祀

仰德祠 在川沙堡祀明贈潞安府同知喬鏗及子雲南

副使木萬歷年建今圯

明陳繼儒記 仰德祠者父老台祀喬公父子而設也往嘉靖倭奴竊海上春山喬公首倡團練之策幕府即以屬公公部署良家子勇敢出死力斬獲若干級上功司馬賜章服給五等誥身所省餉以萬計罷遣諸道兵以百千計又濬川沙海塘外濠剋日竣工遙亘可百里又築川沙城公嚴督鄉賦長不少貸怨家搆飛語罪公公憤死而城工亦報成倭揚帆東來睨塘則濠深不得登脫城則堅壁不得掠于是里人轉思公德且痛其奇冤思所以俎豆公而未有日也公有子曰伯梁公以進士起家安吉州官至雲南憲

訓所至以清白循良著稱比家居則爲德于鄉益力
里距浦遠少潮多旱公發粟募衆濬渠二十里戊子
大饑飢民白日劫市上公請于總帥衛宗人以兵遷
入堡中里人以公能修春山公之令緒于是謀祀春
山公祠成納主推伯梁公爲祭酒哭之慟歸而寢疾
閏五月途沒父老歎息泣曰父死冤子死孝謀同堂
侑享可乎越丙辰奠主昭位舉升祔之禮遠近環拜
者至傾村涵巷曰喬大夫父子固宜有今日但尸祝
矣

欽公祠 在九團祀

國朝南匯縣知縣欽璉

松江府志卷十八終